

宋

會

要

全唐文

續會要

點澤卷十一

慶元三年六月辛三日知宜州留丙放罷以臣察言丙乃故相留正之子素未嘗經歷州郡究其實歷係初任監當資序十月二日廣東提舉徐安國經略雷濂各降一官以諫議大夫姚愈言安國信憑告首私監輒遣林壩收捕壩本海賊林文之子乘勢報怨入海劫掠盜賊既作殺戮民旅帥臣雷濂全無措置但務卑辭招撫賊徒知其畏懦恣行殺掠三日知資州袁倚主管台州崇道觀理作自陳以四州制置使袁說友奏倚坐視本州旱傷唯以吟詩度日二十二日知湖州趙善宣

放罷以臣僚言善宣天資兇狠恠僻徇私昨守常州專
事掎劄今任湖州惟務燕飲二十九日朝散大夫煥
章閣待制知慶元府林大中寢罷與宮觀指揮以臣僚
論大中比任言責交結偽學顛倒是非今帥四明上下
之情不通民無所訴十一月二十日知贛州黃艾放
罷知泉州鄧駙與宮觀以臣僚言艾天資乖厲諂媚故
相暨至贛川略無善狀駙內懷狡姦外肆陰狠締結偽
黨以繳官職同日直煥章閣知慶元府銜涇放罷以
臣僚言涇天資輕儇妄自尊傲十二月九日權知江
州汪大定權知南康軍陳如晦並放罷以右諫議大夫
姚愈言大定庸繆貪汙惟務酣飲郡事恬不加意如晦

昏繆不振蠹弊益甚郡事悉委親戚詞狀盡付吏手
十一日襲封崇義公柴國器罷見任勒令歸奉祠廟以
臣僚言國器身為主祭更不親奉祠事營求外任以顯
不恭 同日淮東提舉王寧放罷以殿中侍御史張釜
言寧居官貪黷所至乖踈 十二日朝散大夫知峽州
成欽亮放罷以言者論欽亮凡猥貪墨加以昏老濫當
郡寄 四年正月十五日朝奉大夫新差權發遣吉州
丁常任特降兩官以江西提舉韓亞卿奏常任前任臨
江倅日擅將收糴軍糧錢為下戶代納官物以釣名譽
十八日知臨將軍詹掄放罷以臣僚言掄年已衰老
專事販賣生口前後起發歸鄉幾六七十舟父母相別

哭聲震動聞者慘然 二十一日新差知鎮江府潘景珪放罷與祠祿以臣僚言景珪兇愎很傲陰戾貪黷視郡民如草芥待僚屬如奴婢 二十九日朝奉大夫新知徽州商侑降一官放罷以臣僚言侑素無行檢所至貪虐 二月十四日權發遣蘄州祝禹圭放罷以臣僚言禹圭得郡斬春每出廳令僚屬公裳相見號為六參用刑慘酷席捲公帑 二十四日朝請大夫主管建寧府武夷山沖佑觀鄭如宝放罷以臣僚言如宝昨知荆門軍未赴中風其子公庠彊其之官並不出廳凡狀牒並公庠代之不問曲直非錢不行根刷坊場監決流血入不堪命 同日降授朝散大夫徐安國追兩官降授

朝奉大夫依前直煥章閣雷濂與落職今後並不得與
親民差遣以臣僚言廣州大奚山賊劫民旅蓋安國輕
信妄勅差人收捕愚民懼罪肆彰亮惡濂遽以酒米撫
諭妄申朝廷兇徒愈熾三月十一日朝散郎知吉陽
軍梁克和特降一官永不得與親民差遣以靜江府張
玠言克和耽於酒色以知堡趙勅二女抑為婢妾凡決
民訟皆付吏手二十三日新知雅州張炎放罷以炎
子汝礪受新都豪民王元二毆死趙道一金計囑知縣
趙炳作病身死遂致彰露從制置使袁說友奏也四
月二十二日朝奉郎知高州趙師濬放罷永不得與親
民差遣以右諫議大夫姚愈言師濬縱意貪婪用刑恣

酷 二十七日朝議大夫知漢陽軍胡介放罷以監察

御史張嚴言介所至賦汙凡經四劾愈不知悔 五月

十七日知南恩州李延年放罷差主管台州崇道觀理

作自陳以廣東提舉陳宏規奏近降指揮禁絕銅器提

毀償價延年公然掇斂州縣錢物不即搥碎仍給與之

可見營私 二十四日朝散郎温州通判林叔秀放罷

以言者論其凌蔑郡守兜攬民詞攬攬自判押公然取賄

二十七日建康府簽判譚良顯放罷以臣僚言其天

資險姦濟以貪穢凡所居官俱無善狀 六月二十一

日朝請郎新知辰州魏泳降一官罷新任坐上殿劄子

丙全不書銜以顯鹵莽 同日知雅州朱愿知崇慶府

吳景並放罷與宮觀理作自陳以成都府路監司考察
二人各坐才識昏繆嗜酒廢事 七月二十八日知太
平州倪思放罷以臣僚言思雖嘗厯官清要而人品猥
下在朝則恣縱筆端臨政則拮倣害民用刑慘酷 八
月二十三日知賀州錢聞禮降一官罷宮觀以知靜
江府張玠奏聞禮拖欠逐年上供買馬錢收買物貨入
已 二十七日知通 葛拱知邵武軍周玘並放罷以
言者論各坐貪婪無耻昏繆不職 九月七日降授朝奉
郎差主管台州崇道觀楊方罷宮觀以臣僚言方本無
學術濫竊文科阿附偽學懷姦誤國 十月二十七日
太中大夫顯謨閣待制知婺州木待問特降兩官以臣

僚言本州發解士子有不逞輩挾衆凌辱試官必欲換
題十一月三日權發遣融州李興時特降一官坐誘
引徭人納土意在邀功十一月日新知邵武軍朱侯知
道州蘇森並放罷以臣僚言侯稔惡甚著罔上狼籍森
民事惻然惟務培斂十二日朝奉郎通判常州徐杞
降一官坐監試措置無方以致擁遏踏死士人十七
日修武郎知萬安軍張湊降一官放罷以廣西經畧司
奏湊彊買客人香貨不還價錢及科配民丁計口賣鹽
規圖剝利以歸私帑二十五日前知復州洪橋日下
令出國門以臣僚言橋治郡酣酒度日惟聽婦言專為
營私同日新知常德府季圭新知荆門軍孫叔豹並

放罷以臣僚言圭向守普州政事年終喜怒任情措剋
州縣不恤饑民叔豹所至兇殘貪財害物昔辟黎州幾
惹變變 二十六日知婺州未待問新除知婺州王漑
並與宮觀理作自陳以臣僚言待問為守婺郡子弟寵
妾納賂顛倒是非漑政事年終諸子很戾輒預政事非
賂不行 二十七日新湖北提舉常平劉坦之特寢新
命以臣僚言坦之天資狡獪惟恃口才以濟其私頃侍
父嶠為監司固已竊弄權柄關節交通今一路重寄豈
可付之 十二月六日黃灝新差主管建寧府武夷山
沖佑觀指揮寢罷以臣僚言灝交結偽黨專事口舌比
因罷斥遇郊復官適干祠祿公論弗容 十五日陳謙

復直煥章閣差知袁州指揮寢罷以中書舍人高文虎
論謙登朝列則巧附相臣任總餉則席卷財物既畧示
懲而快公論豈宜更冒此寵 二十四日知邵武軍周
玘降一官永不得與知州軍差遣以言者論玘本州彊
盜殺人法當至死輒從決配死者何辜 五年正月六
日新差知眉州成繪罷新任以四川總領權安節奏繪
前守成州貪饕無術今命眉州必不改前非 二月十
五日朝請大夫彭龜年追三官勒停朝奉郎曾三聘追
兩官以右諫議大夫張釜言二人最為汝愚腹心今尚
逃憲綱公論籍籍 二十三日新知湖州趙亮夫新知
徽州趙伯檜並放罷與宮觀理作自陳以臣僚言二人

惟務貪婪所至席捲 同日朝請大夫直祕閣劉光祖
特落職送房州居住以臣僚言光祖在州郡則挾私蹟
貨在朝列則阿附固上 二十四日新江西提舉莫若
晦放罷以監察御史張巖言其人品凡庸自汙不耻復
昇皇華之寵豈足以慰十州父老之望 三月十五日
朝請大夫知贛州薛叔似與宮觀理作自陳孫逢吉差
知贛州新命追寢臣僚言二人陰符故相恬於無君令
各與郡衆論沸騰 二十八日知彭州楊緯知英德府
王正邦並放罷以臣僚言緯凡四為郡俱無善稱正邦
培剋民財用刑慘酷 四月二十三日知象州朱震知
容州章錫並與宮觀理作自陳以廣西提刑張埏奏震

率意妄作科擾屬縣錫年齒寖衰智識愈終 二十五

日福建提舉陳棟放罷以言者論棟持節閩倉惟貪貨

財惟事宴飲 二十七日知泉州林思齊放罷以監察

御史張巖言思齊持節福建民訟全不介意若使守泉

民事何所赴愬 五月二十三日太中大夫顯謨閣直

學士提舉江州太平興國宮樓鑰褫職罷祠以臣僚言

其曩者職在封駁汝愚拜相朝路知非輒於制祠盛稱

其美 六二十一日新知興化軍王自中放罷以臣僚

言自中守上饒日偷竊貪汙 二十三日知温州王

渙彥特降三守放罷永不得與親民差遣以臣僚言渙

彥為守永嘉減剋軍糧幾致生變豈可復任親民 九

月十六日新知復州徐柵放罷依舊奉祠以臣僚言柵積惡素著屢見白簡將漕廣東隨行二醫招權納賄豈宜復守凋郡 二十日新知德安府李謙放罷以臣僚言其透僻偏執殊不曉事豈可任之千里 二十七日福建提舉張經放罷以臣僚言經褊躁乖踈為守三衛民遭漂蕩坐視莫拯 十月二日前知蘄州祝禹圭新差知郡指揮寢罷以臣僚言禹圭前知蘄州傾險刻深簡傲恣戾今復與郡豈改前非 七日新四川安撫制置使兼知成都府黃由指揮寢罷除華文閣直學士與官觀以臣僚言其締結偽黨諂媚權臣全蜀所領四路豈可任未歷州郡之人 十一月十九日崇慶府鄭如

愚隆慶府姚良巴州萬永肩新州何俊傑並放罷以臣僚言四人素履既無賢稱臨政又無善狀各已衰暮恬不知退 同日知雷州姚筠廣南提舶趙公紹並罷新任以右正言程松言筠前知賓州公紹前知鬱林州各肆姦貪略無忌憚 二十二日知興化軍錢孜放罷以言者論孜性資很愎所治乏廉用刑慘酷貪汙不已十二月五日知瓊州萬良邦放罷以廣西安撫李大異奏良邦不理民訟營私黷貨差吏入峒騷擾遂致黎民劫掠 六年正月二十三日利州路轉運判官王沈提刑洪邃並放罷以臣僚言二人治郡俱無善狀暴逆穢聲播聞西州今畀蜀節誠為失當 閏二月五日知金

州陳奘放罷前知嚴州朱起宗並永不得與親民差遣
以臣僚言奘任官乖繆惟務哀刺起宗居鄉無慮聲試
郡則職汙五月二十七日浙東提刑李洪知房州趙
彥沈並放罷以右諫議大夫程松言二人天資慘酷所
至貪汙三十日新知武岡軍趙公砬放罷以臣僚言
志趣貪汙備見白簡今武岡小壘豈堪誅求六月三
日權知南恩州韋翌知處州高持並放罷各坐非法慘
酷貪殘生事以侍御史林采奏故也七月十二日新
復煥章閣待制林大中寢罷職名依舊朝請大夫致仕
以臣僚言大中比因阿附偽黨削職畀祠今因謝事而
還舊班何以下厭人心九月十二日太中大夫提舉

江州太平興國宮謝源明罷宮祠以臣僚言源明曩任
瑣闥專務利探朝廷既遭白簡故態不改 二十二日
知常州王聞禮放罷以臣僚言聞禮養病鄣庭全不事
事 同日新知建寧府黃由放罷與宮觀以臣僚言建
寧有壯縣七物繁地大豈可以不歷州縣者一旦驟臨
其上 十月十五日朝請大夫主管建寧府武夷山沖
佑觀萬良耜罷宮觀通判邵州陳友聞通判建康府趙
善珍並放罷以臣僚言三人各以贓汙白簡放罷今良
耜復得奉祠而友聞善珍復為郡貳殊鬱公論 十一
月三日新湖南運判劉誠之放罷以臣僚言誠之比為
郡守席捲而去監司清職何以供其誅求 二十一日

新知廣州黃夏放罷以臣僚言夏民訟不理專事貪饕
二十二日新差知巴州李壘指揮寢罷以臣僚言壘
操心頗僻備見彈章既枚棊以祠祿今乃巧求試郡俾
其臨民殃及千里 二十三日知婺州趙伯瓚放罷以
臣僚言伯瓚為守婺女訟牒積壓盜賊旁午 二十五
日趙彥駿新任常州指揮寢罷差主管台州崇道觀理
作自陳以臣僚言彥駿昨任南康席捲公帑今常州講
行荒政必得賢二千石始可分顧憂 十二月十五日
新知撫州王沅放罷與宮觀理作自陳坐奏對率畧
嘉泰元年正月七日知嚴州毛密放罷與宮觀理作自
陳主管建寧府武夷山冲佑觀徐柵特降一官以臣僚

言密入則繆玷清班出則醜酒弛事枘奉祠居里長惡不俊 十七日浙東提刑周璘放罷差主管建寧府武夷山沖佑觀任便居住理作自陳以臣僚言璘持節一路不能澄清屬部 十九日知彭州史容特降一官知永康軍趙彥需特降兩官並放罷以容守彭州用親隨冒請軍糧交通關節夾造私醞貨賣彥需為政慘酷遇事羅織富民為四川制置劉德秀奏故也 二十三日提點坑冶鑄錢司徐輝放罷新差廣東提舉市舶曾慤指揮追寢以侍御史陳諫言輝為泉司肆為侵暴慤有贖疾至老甚甚其於貪鄙尤不可言 二月十八日知瓊州趙彥衡放罷以殿中侍御史陳諫言彥衡恃酒任

氣為守巴州羅織富家掇取財物今為瓊州慘酷尤甚
茲有是命既而廣西提刑王正功言彥衛姦贓不法志
橫酷刑遂特降兩官永不得與知州軍差遣 同日降
授朝奉郎郢州通判姜處廣特更降一官仍照已降指
揮放罷不得與親民差遣臣僚言處廣攝郡文破官錢
廣造器用又追漆匠劉振兄鞭笞寄禁以致溺死 三
月十三日瓊州通判曾丰放罷坐搜求星說傳習妖祥
扇惑下民以臣僚言故也 十八日新差知鬱林州石
如松新差知欽州徐壽指揮並寢罷各與祠祿以給事
中張巖奏如松贓汙不廉知過不悛壽昏懦不曉素無
能聲 二十三日新知崇慶府唐輅新知達州趙彥建

並放罷以言者論輅輕率貪婪肆為詆訐比守利州任
吏信子有弛郡事彥建恣險狼籍為邑不終為倖被劾
二十四日新知泉州宋之瑞指揮寢罷與祠以臣僚
言之瑞謫詐反覆附會偽學貪汙無狀故也 四月二
十二日新知邕州蔣來叟罷新任以侍御史陳謙言來
叟貪汙之迹屢見白簡今畀邕守是濟其欲 六月七
日朝議大夫前南外知宗趙不戒降兩官罷祠祿永不
得與親民差遣以臣僚言不戒前為南外知宗憑恃屬
籍強買市戶貨寶科率僧寺錢糧騷擾百端逋欠鉅萬
二十九日知建寧府傅伯壽權知瀘州陳損之並放
罷以臣僚言伯壽浮薄輕猥今守建寧有餓虎雄狸之

號損之所至賊汙今任瀘南有封豕長蛇之號 六日
知靜江府張貴謨放罷以臣僚言貴謨資本貪刻所至
賊汙今廣南之地控制民蠻種落可以庶平服而不可
以貪酷治 二十三日新知衢州陳棟放罷以給事中
張巖言棟持節閩部惟倡優是溺惟財貨是黷及被論
罷席捲而歸詎可復畀千里之寄 六月二十六日四
川總領王寧改差湖北路轉運副使新任指揮寢罷以
右諫議大夫程松言寧貪刻殘酷屢遣白簡鄂渚乃兵
民雜居之區妄作生事則必為湖北一道之害 八月
二十三日新除湖北提刑趙希仁新知潼川府張續指
揮並寢罷各與宮觀理作自陳以臣僚言二人賦性極

郵所至姦賊 九月二十五日知嚴州潘燾放罷以臣

僚言燾任情廢法徇私害公 十月二十三日中大夫

右文殿修撰提舉江州太平興國宮潘景珪罷祠祿與

致仕以臣僚言大夫七十而致仕禮也今景珪奉祠年

七十有五尚叨祕殿崇資珍祠厚祿恬不省退乞勒致

仕 同日知江陰軍韓元老放罷與祠祿以臣僚言元

老天資賦汙歷見白簡老而無厭所降賑濟錢米必竊

以為已有 二十六日廣西提刑王正功放罷以臣僚

言正功很悞貪暴老不自悔 二十九日朝請大夫直

敷文閣劉誠之新差主管建寧府武夷山冲佑觀指揮

寢罷以臣僚言去歲臣所劾誠之贓物不啻千萬止罷

新任委是漏網物論不平故有是命 十一月二十八日興州駐劄御前副都統王大節降兩官放罷坐暫攝帥職治軍無術故也 十二月二十三日朝請郎通判婺州汪德範朝奉大夫通判台州林謙各持降一官各坐牒試人數赴兩浙漕司過多臣僚考劾故也 二年正月二十三日新湖南提舉徐安國罷新任以殿中侍御史林采言其捕鹽無實激成異寇之變 三月十日知安豐軍陳煥放罷以臣僚言其肆為掊剋軍民被毒 十八日權發遣郢州王公邁降一官以臣僚言其與通判王琳同惡相濟致經常米斛不存却以朝廷椿積支與戍兵 二十四日湖北運使張埏知鄂州張大猷

並放罷以臣僚言堦祥刑閩部枉直莫分及漕湖北蒙
成吏手大猷日耽荒飲執筆不決重征苛歛市井蕭然
四月十七日知楚州崔士威放罷以臣僚言其本無
守邊之才每有生事之過 五月二日新知岳州趙公
介罷新以監察御史張澤言其素無行檢專事狂蕩至
老不改 十三日祕閣修撰耿延年罷新除華文閣待制
以右正言施康年言其累遭論列貪汙無耻 二十六
日權發遣惠州曾祕與宮觀理作自陳以廣東運判吳
時顯言其畧不事事詞訴紛然 八月六日淮西總領
韓亞卿降一官以亞卿言知撫州傅伯名知寧國府宋
之瑞張伯垓劉三傑拖欠三年解發錢數詔各降一官

亞卿亦以殿最失實故有是命 十二日權發遣撫州
傅伯召放罷以江西提舉張震言其公肆貪恠敢行兇
暴輕視人命不有監司 十九日知濠州賀錫放罷以
淮西安撫丁達言錫守邊非材 二十九日新知無為
軍沈程與叅議官差遣以臣僚言其贓私苛擾嘗見劾
章舊習不悛專輒貪刻 九月十一日知泉州倪思放
罷以臣僚言其知貢舉去取差繆今在泉州養高自尊
十月十三日知潭州趙不逆與官觀理作自陳以臣
僚言其以制閭之地為養病之所平時事已廢弛緩急
何所倚仗 同日江西提舉張震放罷以監察御史朱
欽則言震處鄉無善行居官無善政 十一月十六日

知和州張季樗與宮觀理作自陳以臣僚言其軍政不
修民事盡廢非守邊之材 十二月二十九日知瓊州
陳顯公放罷以殿中侍御史張澤言其刻削民財以資
貪黷百姓怨嗟 三年正月十一日朝散大夫華文閣
待制提舉江州太平興國宮胡紘落職與祠以殿中侍
御史張澤言其心術回邪動事口吻奏牘凌犯 二十
一日知湖州陳鈞知滁州施廣國並與宮觀理作自陳
以臣僚言鈞嘗倖天府交通賄賂廣國不安分義公肆
攘奪 二月二十五日廣西運判王沈與宮觀理作自
陳以臣僚言其莅官貪殘 三月二日廣東運判吳時
顯令守本官致仕理作自陳知房州田公輔新知茂州

謝伯疇並與宮觀以臣僚言時顯貪黷瘡公輔嗜酒
營私伯疇盜用官錢 二十七日新差知嚴州張貴謨
罷新任以臣僚言其傲物害民 四月二十七日利路
提刑趙善鑑與宮觀以方正言李景和言其專為貪黷
肆行兇暴 五月二日新知道州沈戢罷新任以監察
御史林行可言其貪婪狠鄙 十八日浙西提刑孟綸
放罷以侍御史張澤言其昏繆不職 六月二十七日
淮南運判朱欽則與宮觀以監察御史商飛卿言其趣
向回邪躋貨媒進 七月十七日新權發遣台州楊樗
年罷新任以侍御史張澤言其老病失儀慘酷擾民
十九日新除四川茶馬吳總別與差遣以方正言楊炳

言其買馬誅求諸蠻怨怒 八月十四日知南劍州朱
軾與祠以侍御史張澤言其昏繆驕駭 二十七日前
知袁州丘何降一官以監察御史林行可言富民易國
梁殺害平人皆何縱弛所至 二十九日知道州姜楷
知潭州趙不迹各降一官以監察御史商飛卿言楷不
迹淹延刑獄瘦死數多 九月二十一日寶文閣學士
太中大夫提舉江州太平興國宮張抑中奉大夫充華
文閣待制提舉建寧府武夷山沖佑觀趙不迹並落職
罷官觀朝議大夫提舉隆興府玉隆萬壽宮虞儔罷官
觀以右正言楊炳言抑貪刻荒縱不迹貪姿狡儉儔貪
猥深險 二十三日江東提舉常平劉述福建提舉市

船曹格並放罷以監察御史林行可言述借法濟貪格
移易乳香 十一月二十一日新差知邛州郭公緒罷
新任以成都運判趙善宣言公緒前知茂州將橋積諸
司備邊錢轉入軍資公使庫數目差互 十二月三十
日朝請大夫余茂寢罷差知處州指揮與祠祿以臣僚
言其貪聲著聞故也 四年正月十三日前內侍甘昺
改送婺州居住尋詔降一官送信州居住先是臣僚論
其怙惡不悛既而言者欲乞改置遐方以懲奸慝故有
是命 二月二日馬司左軍統制鄭彥降充絳鎮官以
樞密院言其縱兵作過散壞軍律三月九日新江東提
舉吳洪罷新任以臣僚言其武斷鄉曲罔括民利 二十

三日知綿州趙綱知榮州胡亮並放罷以臣僚言綱凶傲淫貪亮貪冒無耻 同日知南外正事趙彥禔放罷以臣僚言其愚闇輕信越職妄作憑証以瀆聖明興獄以虛無辜 二十九日建康都統董世雄放罷仍罷召赴行在指揮以臣僚言其掎剋自豐結怨軍伍 四月十一日前知臨江軍王潤孫特降兩官以監察御史商飛卿言其臨江旱滯自以逼替全不用心 五月四日淮東提舉陳茂英放罷以臣僚言其巽懦無立將帶館客交通貨賄 九日新知無為軍沈程罷新任以侍御史陸峻言其已經勒停既冒改秩復叨假守 十二日知嘉興府張瑄知湖州汪泳並與宮觀理作自陳以右

正言楊炳言瑄既昏老事日廢弛泳權出吏手民不勝
苦 六月十七日新知嘉興府傅伯名罷新任仍舊祠
祿以臣僚言其任撫州日提舉張震按其貪恠虐百姓
陵監司 七月十一日通直郎主管台州崇道觀陳公
顯特降兩官罷宮觀以言者論其貪虐暴橫 同日新
知信州張貴謨新知嘉興府彭演並罷新任以臣僚言
二人貪虐黷貨殘刻害民 二十七日廣東提刑陳暎
知撫州陳耆壽知嚴州陳棟並放罷以臣僚言映還延
獄事動違法守耆壽奉行荒政謾不經意棟構兩設宴
蠲稅復督 八月二十六日新知彭州何友諒罷新任
權發遣大寧監魏良忠放罷以臣僚言友諒天資傾險

濟以貪黷良忠受官不明貪汙暴刻 二十八日新知
處州汪遠罷新任與祠祿新差知處州歐陽俊罷新任
與合入差遣以臣僚言遠闕次當上方命丐祠假資歷
未深遽得留郡 九月七日建康都統李爽特降一官
統制李紹祖統領曹威正將劉鐸準備將郭貴誠各特
降兩官仍降一等職事皆坐官兵何興等黃夜行劫
二十一日知榮州胡亮特降兩官以臣僚言其有旨放
罷乃以未被受為辭公然治事經涉累月 二十四日
新知漳州曾祕新知岳州王樞並與宮觀理作自陳以
臣僚言祕試郡惠陽害及良善已經按罷樞入簿軍器
分符江陰皆遭論駁 十月二十八日寶謨閣學士通

奉大夫提舉隆興府玉隆萬壽宮黃由罷宮觀降充寶
文閣直學士新除顯謨閣直學士通議大夫與宮觀楊
輔罷宮觀降充敷文閣直學士以臣僚言由以儒學自
專欺罔一世以身率家曾不知檢輔出藩入從苦無善
狀四勤溫詔偃蹇不行 十一月十九日前殿司左翼
軍統制特添差福建路兵馬鈐轄韓俊降兩官放罷以
殿前副都指揮使郭倪言其侵盜官錢 十二月十四
日新知江州葉端衡罷新任朝議大夫至仕魏欽緒徒
令他郡寄居以臣僚言端衡為守興化行以慘酷欽緒
寫居衡之常山搏噬良民陵轍縣道 二十三日朝散
大夫主管建寧府武夷山冲佑觀郭公緒降兩官罷宮

觀永不得與監司州郡差遣以臣僚言公緒前知茂州
侵用樁積備邊庫錢引乞重賜鐫褫故有是命開禧
元年正月二十一日江東提刑翁黻寢罷召命以臣僚
言其貪鄙無耻二十四日知衢州章穎與宮觀理作
自陳中大夫莫子經特降兩官以臣僚言穎裒歛取贏
子經悖慢不恭二月五日知興化軍陳衡與祠祿理
作自陳以臣僚言其庸凡衰老治無善狀同日前湖
南提舉徐安國特追三官前降致仕指揮更不施行後
省看詳到新荆湖北路轉運副使雷淑所奏事理以安
國曩為廣東提舉不遵指揮寬美人淹造之禁致其反
側不安且張皇事勢疑誤朝廷一島萬人俱遭屠戮寃

無所訴故有是命 三月二日寶謨閣待制知鎮江府
辛弃疾降兩官以通直郎張謨不法弃疾坐繆舉之責
也 四月二日知隨州李謙太府少卿湖廣總領傅伯
成並放罷以臣僚言謙徇私挾忿欲以妄開邊隙歸過
於人伯成同惡相濟貽書朝路扇揚浮言沮撓國論
二十四日差知常州錢文子放罷以監察御史姜機言
其昨知台州傷大體以修小怨挾公器以濟私忿 五
月十一日寶謨閣待制知紹興府林采興宮觀以臣僚
言其日晏坐府詞訟淹延有賊首一人初中關死湖中
復申梟首號令前後異辭敢於欺罔 二十七日前知
臨江軍王潤孫寢罷宮觀指揮先是臣僚言其餓殍流

移坐視不恤有旨放罷既而得祠復被論列故有是命

六月十八日知楚州戚拱降一官放罷以治郡無狀

十九日貴州刺史侍衛馬軍都虞候李珪降兩官放

罷以臣僚言其貪而好財刻以剝下精神昏憊軍無紀

律七月七日知建寧府倪思放罷以臣僚言其蠲放

租稅沽譽小民不通世務寬縱私販十二日奉議郎

樂思兼降兩官以臣僚言其初經監司按罷表東部胥

以為無罪後遭臺論又沒而不言徑赴臺參干求差遣

二十六日湖南提刑張經放罷以言者論其貨粟凡

下臨事乖方八月三日權發遣和州耿與義放罷累

州團練使新差知和州趙延與宮觀理作自陳以臣僚

言與義獄訟紛紜曲直貿亂延律已乏庶聲莅官無善
狀 閏八月一日湖南提舉胡澄新湖南提舉莫若晦
張頤並與祠祿理作自陳以臣僚言年已七十若晦資
稟異懦殊乏風望頤年齡遲暮了無聲稱 同日江西
提刑趙謚新江西提刑張震並與祠祿理作自陳以臣
僚言謚舊汙白簡震揚已取名日新廣南提舉市舶陳
寔新福建提舉市舶黃敏德楊樗年並與祠祿理作自
陳以臣僚言寔庸闇異懦敏德貪饕鄙猥樗年瘡老疾
病 九月一日新知岳州黃河新差知岳州胡朝穎各
與宮觀理作自陳以臣僚言向昏耄朝穎貪鄙 十月
十一日利路提刑張孝仲與郡知蘄州錢瑩與祠祿新

知袁州趙彥建放罷以臣僚言孝仲貪饕無耻黷猥俗
無能彥建贓汙無狀 同日知汀州陳鑄降一官以左
司諫易被言其身任撫摩之職不思惠養之政乃圖上
旱未首倡謫諛 二十一日知夔州兼本路安撫吳柄
與宮觀以夔路運判范孫言柄不奉法令不恤百姓
二十七日新知平江府王容罷新任以臣僚言其參主
文衡復權要之私囑壞貢舉之成憲 十一月九日知
榮州胡亮更特降一官知建寧府倪思知歸州趙彥玠
各特降一官以臣僚言亮已經臺評猶且治事思妄自
尊大縱已害民彥玠以帥臣迴避故也 十二日前成
都潼川府夔州利州路安撫制置使兼知成都府謝源

明先罷名命仍降一官以臣僚言其違慢法令肆情
妄作 十二月九日淮東提舉葉宗魯寢罷名命以臣
僚言其貪猥嗜利 十一日前淮西總領葉鏡特降兩
官以妄用公使激犒庫錢物 十八日知西外宗正事
趙公介罷直祕閣新命以臣僚言其輕猥無行因宗子
伯戢等飾詞過譽而得之 二年正月十八日淮南路
計度轉運副使葉鏡放罷以監察御史毛憲言鏡寅緣
故相守其鄉郡專事聚斂總領財賦多支過錢數 十
七日知慶元府李景和放罷以臣僚言其徇私廢公不
能防制其子交通關節所斷失當 二十三日新知饒
州毛嘉會新知全州楊簡並罷新任以臣僚言嘉會抱

病臺參幾致顛仆簡性姿怪僻 二十四日知漢州楊
子方放罷以權成都府路提刑劉崇之言其彊狠自恃
二月十二日知贛州章穎罷任與祠以臣僚言其比
歲臺臣論其剝刻 二十二日直祕閣權發遣嚴州孫
叔豹落職放罷以臣僚言其凶暴貪黷故有是命既而
臣僚復論其科罰掇取更降三官 三月十三日權知
池州陳謨追三官先是江東提舉宇文紹彭言其縱子
弟交通關節有旨放罷既而臣僚復論故有是命 二
十五日知南康軍趙善沛降兩官放罷以江東提刑李
珪言善沛挾情廢法漫上忽下專事掇剋以資妄用
同日前知處州徐邦憲降兩官罷與郡以臣僚言其狂

惇可駭不根之語搖動人心 二十六日知建昌軍趙
仁夫放罷以江西提舉卓洵言其素無治行且乏廉稱
精神昏眊 四月十九日淮東總領趙不懌放罷以臣
僚言不懌公然欺弊致難稽攷蠹根不去財賦無由明
白 二十七日知嚴州高似孫與宮觀理作自陳以臣
僚言其廉聲不聞 五月十一日前四川總領陳暉追
三官送沅州安置以四川安撫制置司言其耀到粟麥
不能覺察以致麓惡不堪又遣有誤軍計 十六日知
惠州劉渙放罷永不得與親民差遣以廣東運判黃景
說言其昏繆任吏貪饕鄙猥 十八日淮東運判孟猷
特降三官以猷應辦軍前輒先般家口歸平江 二十

八日知衢州王淹放罷以臣僚言其才品凡下素乏能稱二十九日通議大夫寶謨閣待制提舉江州太平興國宮姜機罷祠以臣僚言其居鄉善譽不聞子羔干撓郡政六月二日江州都統王大節統制官王澤並追殺出身以來文字除名勒停大節表州安置澤編管永州以御史中丞鄧友龍論列大節爭功害國澤率衆奔潰故有是命既而臣僚復言迎敵不進軍無紀律大節改送封州澤改送新州三日知綿州沈稷放罷以四川宣府制置使程松言其天資貪鄙初無善狀七日池州都統郭倬主管侍衛馬軍職事李汝翼各特降三官以鎮江府都統郭倪申新析官兵回歸事因先有

是責尋各更追五官特送郴州汝翼送靖州並安置

九日知雅州蘇肅之放罷以四川宣撫使程松言其番
酋焚掠恬然坐視公肆跳梁殊無忌憚 十一日江陵

副都統皇甫斌特降三官以斌遣軍策應失利自劾先
有是命既而湖北京西宣撫使薛叔似言其輕信寡謀

軍民怨詈更追五官送南安軍安置 十二日四川總

領趙善宣特降三官放罷以被旨收糴米斛應副大軍

支遣違慢 十三日知峽州洪椿降兩官放罷以知夔

州程驥言其貪聲耗政老而益肆 二十六日朝請大

夫鄧友龍降三官送興化軍居住友龍以御史中丞宣

撫江淮召歸先與宮觀繼有是責越明年十一月臣僚

復論友龍首開邊釁幾致誤國再追五官南雄州安置
 既而又論仇胄盜權用兵之罪始於友龍止從降竄於
 理未當遂除名改循州安置 七月二日安遠軍節度
 使兵在外官觀蘇師旦特追三官送衡州安置以言者
 論師旦僥倖節鉞出於微賤公肆蔽欺專營貨利既而
 臣僚又言特追出身以來文字除名勒停送韶州安置
 四日新除江西提舉劉炳罷新命以臣僚言其資望
 甚淺超躡郎選 八月十九日前建康府都統李爽更
 追兩官送雄州居住先是有旨降三官送汀州居住既
 其文結致身士卒奔潰故有是命 二十一日左軍統
 制兼知均州竇夔降三官罷知均州降充本軍正將以

御前諸軍都統制趙溥言其軍民斂怨 十月十三日

知真州宣撫司參議官常褚放罷以臣僚言褚境內有
警彷徨失措 十四日朝請大夫直寶謨閣福建路轉

運判官趙善閏降兩官落職奉直大夫主管建寧府武

夷山冲佑觀田公僅降三官放罷以臣僚言善閏公僅
奉承蘇師旦各於境內收買木植州縣搔動 同日新

提點坑冶鑄錢公事陳景俊與宮觀理作自陳以侍御

史徐相言其罔冒亂法巧於經營 二十一日朝議大

夫丁常任降三官奉議郎直煥章閣主管建寧府武夷

山冲佑觀張鉷落職罷宮觀以臣僚言常任碌碌庸流

徒務貨殖鉷內行不修且復輕獩 同日知常德府常

御孫放罷以湖北提刑陳杲言其專事口吻很復自用
十一月十二日知江陰軍林孔昭追兩官放罷以臣
僚言其初與泰州意在辭難懇求避免 二十一日知
閬州楊興降兩官放罷以知興元府劉甲言其貪虐所
在狼籍 十二月三日知隨州雷世忠特貸命追緝出
身以來文字除名勒停以京西宣撫司言其棗陽失守
虜騎之至望風逃遁 十七日浙東提刑魯珣江東提
刑沈坦並與宮觀理作自陳以臣僚言珣人品庸下謬
甚且貪坦天資險狡濟以貪婪 二十三日鎮江都統
郭倪降三官以怯懦寡謀有辜委寄故有是命既而責
授園練副使送南康軍居住 二十六日新浙東提刑

葉莖追寢新命以臣僚言其巧為營圖 三十日端明
殿學士湖北京西宣撫使薛叔似寶謨閣待制湖北京
西宣撫副使陳謙並落職罷祠先是與祠既而臣僚言
叔似既叨隆委歸過朝廷謙首植私黨幾致軍變 開
禧三年正月二十八日端明殿學士簽書樞密院事與
官觀丘密落職依舊官觀以殿中侍御史徐枏言宣宣
撫江淮專取自任賞罰失當措置乖方委用非人詔與
官觀既而右正言朱質復言臨淮濠梁安豐皆襟喉之
地宜專輒寡謀無故委棄開掘瓦梁堰費財擾民故有
是命 同日池州都統陳孝慶追三官放罷環衛官王
瑛放罷以臣僚言孝慶恣殺擗功瑛病聾無用 二月

六日權發遣鬱林州鮑壯猷放罷以知靜江府王容等
言其流毒于民郡縣不任其苦 八日福建路總管兼
延祥水軍統制商榮追毀出身以米文字除名勒傳送
郴州安置以臣僚言其大奚山及海州之敗軍士喪亡
船米兵器多有遺失 三月九日前四川宣撫使程松
更降三官送筠州居住以臣僚論列降三官落職罷官
觀既而臣僚又言其猶未被受已離置司全蜀重寄委
而去之故有是命尋詔責授散官送澧州安 二十日
知涪州文梓降兩官放罷以四川宣撫使程松言其任
吏剝剝救荒蔑裂 二十七日前夔路運判李壘持降
兩官放罷以臣僚言逆曦負國壘乃潔身以自解舉部

封而棄之得旨李璽首以逆曦反狀來上宜加寬宥故
有是命 同日前四川總領劉崇之追三官送道州居
住以臣僚言逆曦陰結虜好日久崇之不能預為之圖
迨徐景望以偽命至始封納牌印 四月三日前四川
都大茶馬吳總責授楚州團練副使特許於湖廣州軍
從便居住以臣僚言總與挺親兄弟也則曦為親姪縱
有世讎何不言於逆曦未敗之前故有是命 二十九
日淮南運判官嘉謀放罷以其挈家登舟因致淮民驚
擾 五月七日權發遣雷州林几與宮觀以靜江府王
王容言其不能奉行朝廷賞給以激寨兵之變 九日
廣東提刑張挺湖南提刑彭演並與宮觀以臣僚言二

人所至貪墨 六月二十四日知靖州吳沆降兩官放
罷以臣僚言其守昭潭日肆為姦利 七月二十二日
直龍圖閣與宮觀項安世落職罷祠以臣僚言其陰險
凶殘居家則武斷一鄉執喪則冒哀求郡 二十七日
朝請大夫胡袞特追兩官永不得與知州官差遣以臣
僚言其攝事真州侵欺官錢收入私帑 八月三日知
化州湯時中知雷州趙伯東各降兩官放罷以臣僚言
時中專事騙脅詐婚求財伯東天資麁暴濟以姦貪
七日知房州于革降兩官押回本任以湖北京西宣撫
使宇文紹節言其不俟受代率然去官先有是命既而
京西運判張孝忠言其在郡否政十事追三官放罷令

京西提刑司拘管理對有無侵欺官錢申省 二十六
日知濠州周用追毀出身以來文字除名勒停送本軍
自効以建康都統田琳言其斥堠不明致使虜人衝突
九月九日奉使金國通謝國信所參議官方信孺特
遣三官送臨江軍居住以信孺輒將帶去與虜有差私
覲物擅作大臣送遺輕率有失事體 十一日成都提
刑陳邕更降三官放罷初降兩官又以四州宣撫副使
安丙言其遵稟逆曦之令 十五日前知施州薛域前
知達州陳彭壽並罷與郡指揮以監察御史黃疇若言
其當逆曦之亂各棄城去更不堅守 十月二日江西
提刑杜頴與官觀理作自陳以殿中侍御史葉時言其

人品凡猥天資庸鄙 十一日新知隆興府黃由與宮
觀理作自陳以監察御史黃疇若言其數遭臺評皆劾
其居家曖昧私過難以委寄 十八日知常州湯瑀降
三官送贛州居住以樞密院言其朝廷命令奉行不謹
如北來人合支錢米拖下閱月以致詞訴 十一月十
七日責授團練副使郭倪改送梅州安置以臣僚言其
迎合侂冑竊據兵權 同日鎮江同統制郭僕送連州
安置先是追官至是臣僚言其謀慮疎繆喪失兵馬
十二月二日知贛州陳子冲知泉州方銓知湖州周彥
祥並放罷知處州王庭芝特降一官以臣僚言子冲與
韓侂冑叙親銓躡取美官貪鄙尤甚夢祥與周筠序譜

庭芝厚結堂史以為囊橐 四日朝散大夫主管建寧
府武夷山冲佑觀卓洵放罷以臣僚言其辭免召命嘗
試朝廷 八日浙東提刑吳鑄別與閑慢差遣以監察
御史章燮言其膏梁之態貪淫頗著 九日改差知宗
慶府李璠降兩官放罷以臣僚言逆曦叛命之初璠將
漕變路不能糾率討賊及守要害 同銀青光祿大夫
提舉臨安府洞霄宮許及之降兩官送泉州居住通議
大夫薛叔似降兩官送福州居住武德大夫皇甫斌更
追五官勒停改送英德府安置以右諫議大夫葉時言
及之諛事侂胄親為優伶下俚之事叔似迎合侂胄妄
開兵端及之贊之叔似成之斌謀啓邊釁軍師失律削

官安置近在南安大罪薄罰何以示懲故有是命 十
三日知夔州蔣介追毀出身以來文字除名勒停以四
川宣諭使吳玘言其趨偽召於逆賊拜偽詔於公堂
嘉定元年正月八日知建寧府張時修知泉州陳升廣
西提刑陳昕新江西提舉趙公升新差廣西提刑李細
林會並放罷以監察御史章燮言時修因陳自強親黨
躡取會府為囊橐計升厚賂蘇師旦周筠躡等得郡昕
老而益貪姦賊不戢公升輕探浮踪倚勢作威網賂蘇
師旦遂得吉州會前任廣郡初無廉聲 十七日知隨
州林璋降三官送永州居住以京西湖北宣撫使宇文
紹節言其虜騎犯城望風先遁退屯紫山居民驚散

同日朝奉大夫提舉隆興府玉隆萬壽宮李澄追三官
勒停送南康軍居住江西運判陳纘追兩官勒停以臣
僚言澄交結周筠姦濫賊汙纘廣行苞苴席捲公帑
二月九日華文閣學士提舉江州太平興宮高文虎龍
圖閣待制提舉隆興府玉隆萬壽宮沈作賓落職罷祠
新知江陰軍高似孫降一官罷新任以左諫議大夫傅
伯成言文虎詭譎傾邪作賓掎剋諂諛似孫諛事侂冑
故有是命既而臣僚復言似孫無君之心三事又違五
官十四日責授順昌軍節度副使澧州安置程松責
授果州團練副使送賓州安置朝散大夫庾侯降兩官
送衢州居住以殿中侍御史黃疇若言松當吳曦叛逆

程棄全蜀侯徒事誕謾縱史兵事 三月四日寶謨閣

待制知潭州毛憲落職放罷以臣僚言憲與蘇師旦厚

其子廷試經營策題既得為編排文字遂優批分數獲

膺首選 十七日江東提刑蘇林廣東提刑張煥並放

罷以殿中侍御史黃疇若言林素無行檢煥凡庸躁競

二十一日浙東安撫司參議官沈程與祠以知紹興

府李珣言其素附姦黨老無顧藉 二十二日新知湖

州丁大同新差知湖州徐輝新知台州趙公介新差知

台州陳鈞並放罷以監察御史章燮言大同貪饕俗惡

輝賊汙狼籍公介輕獩凡下鈞治郡無善狀 四月十

三日寶謨閣直學士提舉江州太平興國宮楊炳落寶

謨閣直學士寶謨閣待制提舉隆興府玉隆萬壽宮林
采落寶謨閣待制以右諫議大夫葉時言炳采專意阿
附 十七日寶文閣直學士提舉隆興府玉隆萬壽宮
李沐落職罷祠知寧國府朱欽則新知寧國府潘燾並
放罷以臣僚言沐不卹公議彈劾善良欽則鄙盭尤甚
在郡掊剋燾昏繆不才見於臺章 十九日陳自強責
授復州團練副使改送雷州安置以其朋姦誤國蹟貨
徇私罪大責輕公論未厭故也 二十一日故簽書樞
密院事觀文殿學士傅伯壽追三官落職以監察御史
章燮言其首為讒諂阿附權臣指故相為跋扈 閏四
月二日中奉大夫直祕閣張堃落職罷祠先是與祠既

而臣僚言其老不知止故有是命 三日水軍統制王

整追兩官勒停以沿海制置司言其貪黷培剋 八日

新知寧國府林祖洽罷新任與宮觀以臣僚言其歷官

雖久本無可稱 九日江東提刑許開湖北提舉趙伯

檜知臨江軍龔準並放罷朝奉郎韓安卿降兩官以臣

僚言開很傲凌物伯檜人品凡下準操行回邪安卿以

驕駭之資濟膏梁之習 十九日知撫州高商老知常

德府呂昭遠並放罷以臣僚言商老老益昏繆昭遠鄙

野狠暴 五月二十一日知江州陳謙放罷以臣僚言

其貪汙諂佞躁競有三不美 二十三日知郴州趙彥

模更降兩官永不得與親民差遣先是降兩官放罷既

而臣僚言其養寇殘民故有是命 同日廣西提刑趙
亮夫與宮觀理作自陳以臣僚言其三經彈奏 同日
直祕閣湖南提刑黃瓌落職先是有旨放罷既而臣僚
言其峒寇竊發措置乖方奏報稽緩亡師失將 二十
六日新知寧國府王益祥與祠以臣僚言其初以卿相
獲登權門 六月五日新差知衡州潘景連趙彥紆蘇
森並與祠祿以臣僚言景連貪黷狙獍彥紆蔡習膏梁
森通譜系於蘇師旦而志在速化雖辱及父祖不計
十六日淮南運判張穎淮南運判張縉並放罷以臣僚
言穎素無行檢徒事輕保緡庸鄙不學僥倖苟得 同
日前參知政事衛涇罷宮觀以臣僚言其廟堂之上惟

是徇私

同日直寶謨閣京西運判張孝忠落職放罷

司農寺丞京西北宣撫司參議官譚良顯降兩官放
罷以臣僚言孝忠凶悖回邪良顯淫汙貪墨 十九日

知靖州葉高新知常州趙彥拯並放罷以臣僚言高專
事科罰以豐府庫彥拯頃知永州諸司論罷故也 七

月二日寶謨閣直學士提舉江州太平興國宮張澤落
職罷祠以臣僚言其為佞胄心腹 十七日司農卿湖

廣總領趙善恭降一官放罷以臣僚言其猥凡巧佞素
乏廉聲先有是命既而復降一官 八月九日權知濠

州王大昌新權知循州鍾大猷並放罷以臣僚言大昌
初無長才惟巧圖進大猷特科得官不自愛重 十四

日新知崇慶府杜源追毀出身以來文字除名勒停送
賀州編管以臣僚言源三倖名郡荐領麾符表賀吳曦
為臣判逆 十六日新知温州留駿新知全州黃謙並
與宮觀理作自陳以臣僚言駿耄昏謙傾險 十月十
六日權發遣隆慶府閻伯永放罷以利路提刑胡澥言
其專事培植 二十八日前京西運判張孝忠前淮南
運判張穎各降兩官以監察御史章燮言孝忠以前官
積累互送不明穎招軍取媚費用萬數 同日知肇慶
府湯況知宜州洪公巽並放罷以監察御史余崇龜言
况見謂閻崧公巽專事奔趨 二十九日朝請大夫黃
瀚追兩官以臣僚言瀚苟徇私情廢格詔令 同日知

廣德軍趙師日放罷知常州劉董與宮觀理作自陳以
殿中侍御史黃疇若言師日為政恠誕董政出吏手

十一月二十四日寶謨閣學士知福州倪思落職放罷
特降兩官中大夫李沐更追三官以殿中侍御史陳晦
言思輒肆險論任意誣譏脅持朝廷得旨錮秩既而臣
僚復論沐陰附佞曹陷害忠良與思情好最為欵密

十二月八日顯謨閣直學士通議大夫知建寧府謝源
明放罷以右正言黃中言其陰險反覆朋邪害正 二
十二日寶謨閣待制差知建寧府陳謙與宮觀理作自
陳以臣僚言謙莅官臨政了無績效 二年正月二十
三日知江陰軍葉延年知興化軍趙善撫並放罷以臣

僚言延年性資駟獍巧於為姦善慙不學短閭何以臨
民 二十四日知湖州王炎放罷以臣僚言其救荒無
策 二月七日新知處州丁煜罷新任以臣僚言其庸
猥貪褻 八日新知汀州趙不謗罷新任以給事中鄒
應龍言其貪黷苟賤 十五日寶謨閣直學士提舉江
州太平興國宮宋之瑞寶謨閣待制提舉江州太平興
國宮李景和並落職江西提刑徐似道浙東提舉魯升
並放罷以左司諫劉槃言之瑞貪猥景和很暴似道輕
猥并交通賄賂 二十二日新湖南提舉張大猷新知
湖州吳洪並罷新任以臣僚言大猷昏耄貪暴洪在官
無廉稱 二十四日知袁州余端誠知江州韓松新知

全州王潤孫新知岳州張惠卿並放罷以臣僚言端誠志趣狠下松駿不更事潤孫憎不曉事惠卿昏老貪饕二十八日新除利州路提刑宋德之成都運判錢文子各降一官以四川宣撫副使安丙言德之當候合符宜緩而速文子不須候代當行而止三月一日前淮東提舉趙善認放罷以臣僚言其引用韓侂胄專政日起復召赴行在指揮徑入國門十六日寶謨閣待制新知潭州施康年落職罷官觀先是詔與宮觀既而臣僚言其黨附權臣躡取官職故有是命二十二日朝散郎故元衡降兩官以監察御史林瑛言其為憲浙西受孫元卿之囑二十三日權發遣梧州陳宇降兩官

放罷以廣西提刑郭斌等言其一郡之政聽之子弟表
裏胥吏交通關節 二十五日淮南運判張孝仲放罷
以臣僚言朝廷方備營屯之謀而孝仲乘時私買淮田
不能體國 同日右文殿修撰陳子冲直寶謨閣魯鉅
並落職直龍圖閣新知泉州張嗣古落職放罷以侍御
史陳晦言三人皆權臣之所親厚得罪公議 二十六
日知德慶府曾丰降一官放罷以左司諫劉榘言其嘗
宰浦城民訴姦賊辟知德慶一意聚斂 四月二十六
日直寶謨閣福建路轉運判官李泐放罷以臣僚言其
受成吏手養高自尊 五月七日知吉州薛璆知信州
司馬遵並放罷以臣僚言璆和羅侵欺遵郡政乖謬而

二州稱提官會並緣命令罔利虐民 六月十四日差
知處州王益祥與祠祿以臣僚言其輕薄凡庸汙迹姦
狀備見前論 二十四日右軍統制韓全降兩官放罷
以江淮制置使何澹言其刻剝軍糧役使軍士致其下
陳國忠等部領老幼越城逃遁 二十七日知蘄州曾
梁知黃州金僎並放罷以臣僚言梁招剋斂民僎素無
慮稱不能安集邊淮既而臣僚又言梁科抑敦取為政
不恤復降兩官 同日池州都統秦世輔迨三官送柳
州居住以臣僚言其招剋太過軍情怨憤幾致嘯呼
七月二十八日直華文閣四川茶馬趙綱新知南雄州
張萃並放罷以臣僚言綱褻狎官妓招剋兵糧萃貢緣

得官昏鄙不才 八月二日新提舉福建市舶徐大節
新知新州韋翌新知潯州高可行並罷新任以臣僚言
大節誅求邊民翌屢經彈劾可行賄賂公行 二十三
日新知撫州王公邁罷新任以臣僚言權臣用事公邁
締交諂媚 九月十七日知安慶府林仲虎降兩官先
是江淮制置使楊輔言其盜賊入城不能捍禦收捕有
旨放罷既而三省復言故有是命 二十五日前淮東
提舉趙善認勒令官觀朝散大夫諱元肅日下押出國
門以臣僚言善認已為議者擊去復求美除元肅已遭
臺評干求差遣 十月一日權發遣復州范珏放罷以
湖北提舉曹彥約言其在任不職 十八日新權發遣

辰州吳芝與祠祿理作自陳以臣僚言其癯老徧廢
十一月二十二日新廣東提刑常禘新知吉州施宿並
罷新任以臣僚言禘謀身姦邪宿邀功避事 十二月
九日知衡州陳士蕙放罷以湖南提刑胡澥言其朋附
二儉妄指正人以為偽學 三年正月四日新知德慶
府黃庸新知瓊州李若水並放罷以監察御史林瑑言
庸納賂求進取媚權臣若水知循州虧陷錢物 同日
知岳州曹格知昌州王駒並與祠祿以監察御史范之
柔言格昏耄已甚郡事不理駒實歷四考便任專城
二月四日知南安軍趙師傳放罷以江西運判胡槻言
其盜方萌芽不以時撫安已出而熾亦不措置勦捕使

足袍洞之寇平欺縣道 七日資政殿大學士通奉大
夫新知瀘州貴士寅與宮觀以臣僚言其頃在二府無
所建明比守潼川不屑意郡事 八日知歸州王茹放
罷以湖北運判范子長言其根括逃田剝納糶米增置
酒場重征舟楫 九日知鎮江府俞烈與宮觀以臣僚
言其虧陷樁積米斛 二十一日水軍統制李福放罷
以鎮江都統畢再遇言其虛作名色支出官錢 二十
五日新特改差浙東兵馬鈐轄劉玉寢罷新命以臣僚
言其奔競躁進 三月四日新改除福建提舉葉宗魯
江東提舉張聲道並與宮觀理作自陳以臣僚言宗魯
罷軟聲道庸鄙 九日新知袁州丁大椿罷新任以臣

僚言其情不更事 十日新知廣德軍鄭擢放罷以臣
僚言其武斷卿曲開置坊場 十四日泉州左翼軍統
制王去疾降兩官放罷以侍御史劉渠言其愒然謀略
惟事掊剋紀律不明將士慢弛 十七日前知吉州李
綱降三官送澧州居住以侍御史劉渠言其用猾吏謀
徧科諸邑廬陵被寇綱實貽禍 二十一日新知梅州
張大任罷新任以臣僚言其昏耄貪鄙 同新除宮觀
陳子冲罷宮觀以臣僚言其朋比貪黷 四月十九日
淮西運判徐輝浙東提舉孟植並放罷以監察御史徐
宏言輝營私益甚植曠厥職 同日知處州林孔昭
知江陰軍蘇十能並放罷以臣僚言孔昭督迫蠲稅減

剋軍食十能老而昏憤獄以賄命 二十二日摧鋒軍
統制俞端特降兩官勒回殿司自劾以侍御史陵峻言
其紀律不修肆行刻剝 二十四日太中大夫提舉隆
興府玉隆萬壽宮陵峻宣奉大夫提舉江州太平興國
宮趙善堅並罷祠祿以臣僚言峻久居瑣闥專事喑默
封駁之事了無所聞善堅濫尹天府苛刻益甚回祿之
變措置乖繆 五月六日權知楚州譚良顯與宮觀理
作自陳以知揚州畢再遇言其務逞已意沮壞機謀
十三日權發遣安豐軍史天錫放罷以臣僚言贖貨虐
民 二十一日湖北提舉趙善石放罷新知汀州洪植
新知歸州王相並罷新任以臣僚言善石行部湖外所

過騷然賑糶米場吏卒容私相衰弱昏眊語言失次植
為軍器簿見挂臺評 二十六日建康副都統制兼知
濠州何汝霖免知濠州知南康軍晁百談放罷以臣僚
言汝霖民訟不決百談郡政不理 二十九日新知簡
州韓子庚降一官罷新任以四川宣撫安丙言其前任
廣安軍盜用錢物聖旨委成都提刑李興宗結勘興宗
具申實知子庚素來介潔並無上件事實如以興宗為
朋比欺罔乞同賜罷黜遂降此命仍劄下提刑司免根
勘 六月二十三日知梧州鄭炎放罷新知惠州李桐
再與祠祿以臣僚言炎專務科罰以營己私桐姦貪之
跡公論不容 二十六日新知南外宗正事趙公介罷

新任仍舊祠祿中奉大夫提舉建寧府武夷山沖佑觀
魯祖朝故郎主管台州崇道觀周夢祥並罷宮觀以臣
僚言公介叢為別駕明犯清議暨在西外貪黷狼籍
將漕江東彊置木植攝事總餉盜用官錢夢祥附會周
筠日架閣而得召試守吳興日朝廷有抄估侂冑家產
之命遲回數日方肯差官 七月三日知隆興府魏良
忠追兩官知閩州趙奎降兩官知開州張晉放罷以臣
僚言良忠頃入京襄帥幕虜至不告而遁奎冒受祖澤
政以賄成晉年垂八十貪榮嗜利 十三日知廣州陳
朴放罷以廣西運判楊方言其酷虐難以臨民 二十
四日知衢州孫子直降一官以浙東提刑譙令憲言其

防患弭盜之術有所未究是致兇徒相挺為患 二十
八日權發遣藤州趙善浚權知賀州徐嵩各降一官並
放罷以廣西運判楊方言其皆奉郡寄不恤官物致本
司失陷漕計米 八月二日朝奉大夫主管建寧府武
夷山沖佑觀王公邁承議郎主管建寧府武夷山沖佑
觀王庭芝並罷官觀以臣僚言公邁歸投權臣僭越倫
等庭芝武斷州縣結托權要 三日通奉大夫龍圖閣
待制致仕宋之瑞落職降一官朝奉大夫許開降一官
以官僚言之瑞與權臣為狎友乃逞私辯開因挫彭龜
年而右豪戶士夫切齒 五日廣西提刑郭贊放罷以
臣僚言其試邑雩都惟貨是贖自司臬事庇護賊吏

十一日敦文閣直學士前知成都府吳獵罷召命落職以臣僚言其縱吏用兵 二十六日中大夫提舉隆興府玉隆萬壽宮丁常任中奉大夫集英殿修撰主管武夷山沖佑觀俞烈並罷祠祿以臣僚言常任奴事權要詭秘其跡烈廢放之餘不能服寬大之澤 二十七日

知惠州沈自中降兩官放罷以廣東提刑廖德明言其用刑慘酷誣執平民 九月七日新知常州趙善鑒罷

新任以臣僚言其額務掊剋 二十七日知泰州翁潏

新知沅州劉鉅並放罷以臣僚言潏苛賦重斂鉅居官

碌碌 二十八日權發遣鬱林州裴松罷改知辰州新

任以廣西運判楊方言其用殺人威行聚斂之政市

并流移商旅斷絕 十月四日權發遣象州章時言放
罷以廣西運判楊方言其任吏害民難堪郡寄 五日
權發遣賓州尹埏降兩官放罷以廣西運判楊方言其
專恣貪汙 二十五日知昭州趙善資放罷以臣僚言
其繆舉欺罔 十一月十二日新差知常州常建與祠
祿理作自陳以臣僚言其行權剝之政 十四日知漳
州錢縉特降一官以漳州士子凌辱試官 十二月三
日前知南安軍郭應龍罷宮觀先是有旨宮觀既而臣
僚言其貪功寡謀坐受賊欺 四年正月二十二日變
路運判王顧問湖北提刑周棟並放罷以臣僚言顧問
為守道州聚斂自豐移節江西不舉荒政棟試邑繁昌

受成吏手旋得川麾其政愈繆故有是命 二十三日

新差主管建寧府武夷山沖佑觀王處久初經錫謫以
韓侂胄姻親遂得叙用昨掌步旅軍士陞差惟賄是視
提兵江面有武藝者反不得行 二十八日新知重慶

府趙善辰新知達州史震並放罷以臣僚言善辰嘗宰
南部黷貨無厭震凡宰縣邑聚斂繁苛 二月十四日

保康軍承宣使提舉佑神觀畢再遇降一官以臣僚言

再遇以一朝之忿戕乃弟之命斷喪天倫茂葉王憲故

有是命既而復被論列遂罷官觀 二十七日朝奉郎

主管台州崇道觀胡元衡朝散大夫主管建寧府武夷

山沖佑觀薛元肅並罷祠祿以臣僚言元衡治無善狀

招權鬻獄元肅既遭臺評乃復入京營求除命 二十

八日權發遣臨江軍解邦俊與宮觀以江西提刑李珣

言其前政任內折納縣用苗米乃追典押勒招侵盜供

攤平民人言籍籍 閏二月二十七日知漳州錢瑩放

罷以臣僚言通判林寅為漳州監試致士子鼓躁科舉

停廢興起大獄知州錢瑩不能禁約 二十八日新知

廣德軍錢思忠新知英德府施廣求並放罷以臣僚言

思忠惟吏是任郡事廢弛廣求試邑上虞侵用公帑及

伴辰州科買騷擾 四月二日新知永州潘洵罷新任

新知南劍州黃聞與祠祿以臣僚言洵招軍受賞聞立

朝險躁 五月二日新知南劍州沈埴新知巴州何友

諒並放罷以臣僚言埴政無廉聲友諒任吏橫歛 六
月二十八日知通州王百度放罷新知永州陳廣壽罷
新任以臣僚言百度閻葺繆庸廣壽居鄉豪橫 四年
七月十七日夔路提刑李丕降一官放罷以臣僚言其
素無行檢 二十六日知信州李昌放罷知饒州歐陽
汲與宮觀知南劔州虞旒孫與速小軍壘以臣僚言昌
賑拯無策致民作過汲頃宰會稽事以賄成旒孫僥倖
朝行嘗遭論列 同日新知信州陳守新知饒州姜楷
並與宮觀理作自陳以言者論二人皆瘡老多病 八
月二十五日知成州雷雲降一官放罷永不得與親民
差遣以利路提刑毛璞言雲苛刻肆行公事付之吏手

同日新辟差知橫州謝庭玉新知賀州周廷藻知化州張岷並放罷以臣僚言庭王公行劫奪恣為淫穢庭藻專事貪相為之管幹岷作邑於貪相之鄉資緣遷進

九月七日知岳州黃渙與宮觀理作自陳以湖北安撫李大性言其率意妄作抗拒諸司故有是命既而湖北運判王允初復論遂罷宮觀十四日權發遣階州趙寅特追兩官放罷永不得與州郡差遣以利路提刑毛璞言其姦貪刻虐軍民嗟怨二十一日知廉州長幼厚知貴州江邦佐各降一官以不遵聖旨不放牛稅從廣西運判楊方之請也二十八日中大夫提舉臨安府洞霄宮李壁今後永不收叙以臣僚言其阿意說

隨縱與開邊

十月三日新知襄陽府王居安與宮觀

以臣僚言居安朝廷責之平盜涉日費財不能效尺寸

之功 十四日知撫州林岳知建昌軍周燧並與宮觀

理作自陳以江西運判胡槻言岳號清流使居學館或

能稱職而強以民事實非所長燧以寬柔之資當劇繁

之郡諸縣玩侮羣吏縱橫 十一月二十五日新京西

路副總管郭俊放罷以臣僚言俊貪暴驕驥父任殿巖

恃其聲勢侵漁士卒招權納賄故有是命 十二月二

十三日知合州黃子持放罷以四川制置使安丙言合

州富商殺叔之妻計囑官吏更不經縣結勘徑自本州

曲意誣蔑以死者為無寃 二十四日新知太平州葉

贊新差知太平州方銓新知池州吳衡新差知池州薛揚祖並與宮觀理作自陳以臣僚言貴貪刻著聞銓嗜利傾險衡驕駿輕儇揚祖連年抱病 二十六日果州團練使權知池州趙廷放罷先是臣僚論列既而江東運判胡澥言其違法收稅蔑視監司 五年正月二十六日沿海制置司水軍統制李俊民放罷以臣僚言其軍政不修恣為掊剋 二月一日成都提刑林絜已與宮觀前知靖州葉高勒歸田里以臣僚言絜已守嘉定日召怨蠻人改畀憲節有訴邊寨侵刻悉不為理以致羣起入省地剽掠高符渠陽權臣用兵諸郡例召招軍之令高急於奉承乃擒捕市人為之 三日新提舉

福建市舶黃士宏罷新任以臣僚言其頃知沅州政以賄成民冤莫伸 五知敘州史師道追兩官放罷以四川制置大使安丙言其黨庇蠻夷作過不堪倚仗 十二日江州水軍統制陳定顯放罷以江西安撫李珣言言其減剋戍兵錢米以充私用輒取娼妓置之軍中 二十九日知嘉定府許沆放罷新知嘉定府張方別與差違以臣僚言嘉定府有夷都蠻大入省地作過沆不能隄備代沆者張方除再任教官外別無履歷在朝二年即分符竹恐未能控制故有是命 三月八日知永州沈圻知邵州傅伯崧並放罷永不得與親民差違以湖南提舉樂章言圻委任郎吏龍寅爲腹心夏翰正色

外每匹勒納錢八百文伯崧郡民李如勣身死無子兄如翔有子當繼伯崧乃謂如勣戶絕籍沒不與繼立

五月四日權知熙州蔡南放罷以四川制置大使安丙言其縱田冉兩族人入省地劫掠又受田祖周等沙板違法造筏 六日知撫州林合降一官放罷更追兩官先是監察御史金式言其支撥新會到郡橋留官庫更不與民換易既而江西安撫李珣復言其將朝廷給降新會侵移他用故有是命 三十日新知金州勾廷永放罷知高州黃鳳追三官永不得與親民釐務差遣先是右正言董居誼言廷永嘗為宣司屬官因被檄刷見諸郡錢物乘時妄作剗刷靡遺鳳守昌化時有銀網因

風濤失陷仍妄稱被劫既而廣西提刑崔與之復言鳳
治郡亡狀勒主客戶納錢買鹽發賣收利故有是命
六月二十日池州中軍統制郭與特降兩官放罷以主
管馬軍公事許俊言其不卹士卒招刻接受 二十七
日知道州徐杞放罷以殿中侍御史徐宏言其昨守南
安邊事將開迎合希進多剽禁軍坐費廩給 七月二
日新知雷州薛伯虎別注合入差遣以臣僚言其作郡
太驟繳還錄黃 五日主管建寧府武夷山冲佑觀趙
公介罷祠祿以臣僚言其素無行檢四玷臺評干撓州
縣惟利是嗜 同日知興國軍趙師勉降一官放罷以
江西運副王補之言其不遵朝命稱提官會 二十八

日主管建寧府武夷山沖佑觀蘇林沈坦並罷宮觀以
臣僚言林屈意與蘇師旦通譖辱及其先坦奉祠于家
橫恣益甚 八月三日前提舉隆興府玉隆萬壽宮倪

思降兩官以監察御史石宗萬言其彊愎自用濫竊虛
名居鄉無狀 十三日知藤州姜安行降一官放罷以

知靜江府李訖言其每年合解上供并經總制錢並不
依限起發科罰販賣無非規利 二十七日前提主官台

州崇道觀呂昭遠再與祠祿以殿中侍御史徐宏言其
精神衰憊言語周章若使臨民必無善政 九月十二

日知雷州鄭公明放罷以廣西提刑崔與之言具三次
般運銅錢下海博易蕃貨 二十七日知和州富嘉諫

知安豐軍許成之並放罷以江淮制置使黃度言嘉謀
遺火延燒掩覆不盡以聞成之新會初行移書往問其
報迷錯如醉夢中語 二十九日趙善鑣罷宮觀以臣
僚言其任官所至屢以貪敗 十月四日新知邵州陳
振新知漳州張煒並罷新任以臣僚言振昨倅會稽括
攬事權妄作威福煒昨守毗陵在官之錢乃欲以為儲
積敗固朝廷 三十日王處久差主管台州崇道觀指
揮寢罷以臣僚言處久以侂冑姻婭躐司禁旅同惡相
濟 十一月五日前江州副都統制呂春降兩官以右
正言石宗萬言其文擣軍錢悉滅其半將校張汝出戍
從而侵凌其妻 十三日華文閣直學士新知婺州李

大異褫職罷新任以臣僚言其守建寧日養病閉閣從容子弟預政故有是命 二十四日宮觀李沐叙復元官指揮寢罷以臣僚言子祠已幸不可盡復繳還錄黃

十二月九日王容陳謙並罷宮觀以臣僚言容事親弗悅事君不忠謙貪墨窮侈諂事權貴 二十四日新

知永州芮及言新知象州江邦佐並罷新任以臣僚言及言嘗貳輔藩交通獄掾招權鬻獄邦佐試郡貴陽增價鬻鹽掩有餘利 二十九日提舉隆興府玉隆萬壽

宮趙師業罷宮觀王容敘復元官指揮寢罷以臣僚言師業頃以多貨交結權臣容不忠不孝已罷其祠敘復元官併乞寢罷 六年正月四日徐宏新除祕閣修撰

知袁州指揮寢罷以臣僚言其向為臺官每為親故營薦採護率有定價二十三日新知欽州陳經降一官以知靜江府李訖等言鄉民結黨嘯集作過經坐視不捕亦不申聞諸司二十九日葉時新除徽猷閣直學士知婺州指揮並寢罷周虎特追五官勒停送徽州居在仍追贓入安邊庫以臣僚言時權姦用事之日冒居言路虎以私喜怒繩治軍人去替之日以修戰艦妄破官錢數萬掩為已有二月二日新知新州趙伯東罷新任以監察御史金式言其昨守雷州多破官錢收買商貨航海以歸同日新知辰州曾絜放罷以監察御史黃序言其嘗為萬州席捲公帑十七日曾絜差官

觀指揮寢罷以給事中曾從龍言近世賊吏臬其尤著
二十八日新知崇慶府羅植罷新任以監察御史黃
序言其曩守嘉定迎拜逆曦偽詔蜀士咸切齒之 三
月二十一日史彭祖差知沅州指揮寢罷以臣僚言其
更化之初臣僚論列公論不容 二十八日江東運副
孟猷提舉廣東市舶常御孫並與祠祿以臣僚言猷守
婺女日假託修城多破官錢御孫守常德日侵欺官錢
不恤荒政 四月二日知湖州趙崇規放罷以監察御
史黃序言其信任配吏溺惑愛妾鬻獄受賕十五日前
殿中侍御史林瑛奪職罷官觀徐宏更降一官以監察
御史倪千里言瑛昨任臺諫一向徇私宏過惡暴著實

駭聽聞 二十六日祕閣修撰知隆興府王補之褫職
放罷先是右諫議大夫鄭昭先言其為總餉時盜用公
帑取媚權姦既而臣僚復言權姦用事之時考校法科
輒徇私囑 二十七日鄭擢罷官觀更降一官先是殿
中侍御史石宗萬言其奉祠里居漁奪鄰里不能安居
既而臣僚復言擢既罷官觀愈無顧藉故有是命 二
十八日知岳州曾寧降一官放罷以湖北提刑宋德之
言其昏惑顛倒用刑差誤 六月二十九日知貴州林
采放罷新知靖州王宗度與宮觀以殿中侍御史石宗
萬言采嘗宰相陰受賂狼藉宗度得疾沈綿政必廢弛
七月一日權發遣建昌軍豐有俊放罷以臣僚言其

峻急苛猛千里騷然秤提官會科擾尤多 四日潼川
運判費士錢利路運判李嗣文並與宮觀以臣僚言士
錢衰病廢事嗣文資淺望輕 同日知池州傅伯召新
知峽州汪必進並放罷以臣僚言伯召向守臨川科罷
民錢今為池陽年邁荒耗必進廁跡列院楮幣更革之
初將指巡行妄作威福 二十五日知真州徐景知盱
眙軍陳師文並放罷以殿中侍御史石宗萬言景殘忍
不恤師文臨事乖繆 同日知富順監何縈降一官放
罷永不得與親民差遣以臣僚言其貪蹟無狀肆為大
言 同日知襄陽府楊九鼎令赴行在奏事指揮寢罷
以給事中曾從龍言其為國藩籬悠悠歲月茫無端緒

先有是命既而臣僚復言九鼎舉動平方自失威望乞
更賜褫職故有是命 二十八日權發遣吉陽軍謝學
禮放罷仍不得與州軍差遣以廣東提刑方信孺言其
與土人義兵統領陳維翰往來甚密求婚不從生事科
擾